



JUDICIAL SYSTEM MONITORING PROGRAMME
PROGRAMA MONITORIZASAUN BA SISTEMA JUDISIÁRIU

Komunikadu Imprensa

Distritu Aileu

02 Marsu 2015

JSMP kontinua fasilita trenamentu ba comunidade iha Suku Aisirimou-Distritu Aileu

JSMP, iha 26 Feveireiru 2015 hala'o trenamentu ba comunidade iha Suku Aisirimou Distritu Aileu kona-ba lalaok justisa formál.

Partisipantes ba trenamentu ne'e involve estrutura Suku Aisirimou ne'ebé inklui xefe suku, xefe aldeia, lia nain feto no joven hamutuk nain 31, ho kompozisaun feto na'in 14 no mane na'in 17.

Materia ba trenamentu ne'e kobre asuntu kona-ba diretu umanu, kna'ar juis, prokurador, advogado privadu no defensor públiku. Aliende ne'e kazu krime sira no oinsa comunidade sira hahu prosesa kazu krime sira tuir sistema justisa formal.

“Lideransa comunidade sira nu'udar autor xavi iha sira nia suku laran. Tanbá ne'e trenamentu ba estrutura hatutan ba comunidade ne'ebé seidak iha koñesementu kona-ba lei no dalan ba justisa formal liuhosi atividade trenamentu hodi hakbesik sira ba sistema justisa formal,” dehan Diretór Ezekutivu, JSMP Luis Oliveira Sampaio.

Xefi Suku Aisirimou, Sr. Ilidio Mau Felo ne'ebé representa comunidade Suku Aisirimou iha nia abertura agradese ba JSMP tanba hili sira nia suku hodi fahe informasaun importante kona-ba lala'ok justisa formal.

Iha enseramentu xefe suku manifesta nia sentimentu kontente no agradese ba JSMP tanba liuhosi trenamentu ne'e bele fahe informasaun kona-ba lala'ok justisa formal. Informasaun ne'ebé tuir xefi suku foun ba sira mak kona-ba krime violénsia doméstika nu'udar krime públiku. Durante ne'e sira hanoin katak krime violénsia domestika ne'e bele rezolve iha nivel suku, aldeia no bele dada fali.

Xefe suku mós husu ba partisipantes sira atu habelar liutan informasaun importante ne'e ba comunidade sira ne'ebé la konsege tuir trenamentu ne'e.

Rua setubal, Colmera, Dili Timor Leste

PoBox: 275

Telefone: 3323883

info@jsmp.minihub.org

www.jsmp.tl

Facebook: www.facebook.com/timorleste.jsmp

Twitter: @JSMPtl

Komunidade ne'ebé tuir treinamentu ne'e hatudu antusiasmu no interese atu hatene klean liu-liu kona-ba kazu sira ne'ebé akontese iha sira nia suku hanesan krime violénsia doméstika, violénsia seksuál no krime sira seluk ne'ebé baibain akontese iha sira let.

Atividade treinamentu ne'e realize tanbá hetan suporta hosi Embaixada Finlandia iha Jakarta-Indonezia.

Atu hetan informasaun kompleitu bele kontaktu ba:

Luis de Oliveira Sampaio
Diretór Eksekutif JSMP
Alamat e-mail: luis@jsmp.minihub.org
Telefone:3323883 | 77295795